

# INFO BUSINESS NEWSLETTER

Udruženje poslodavaca FBiH

April 2014. godine

Broj 24

## ODRŽANA XIII REDOVNA SKUPŠTINA UDRUŽENJA POSLODAVACA FBiH



# UDRUŽENJE POSLODAVACA FBiH ODRŽALO XIII REDOVNU SKUPŠTINU

Dana 09. aprila 2014. godine u hotelu "Hollywood" održana je XIII redovna Skupština Udruženja poslodavaca FBiH.



## Predsjedništvo Skupštine UP FBiH

Na Skupštini su predstavljene aktivnosti i rezultati rada Udruženja poslodavaca FBiH u protekloj godini, kao i plan rada i prioritetne aktivnosti za tekuću godinu.

Na Skupštini je prisustvovao veliki broj članica Udruženja, te u svojstvu gosta prisustvovali su i; Desnica Radivojević, potpredsjednik Vlade Federacije BiH, Ismet Bajramović, predsjednik SSS BiH, Edhem Biber, predsedavajući ESV-a FBiH, Minka Rešidbegović, predsjednica Sindikata iz oblasti finansija, Hidajeta Bajramović, direktorica Federalnog zavoda za statistiku, predstavnici VT BiH, predstavnici Privredne komore FBiH, te predstavnici međunarodnih organizacija.

Nakon pozdravnog govora Predsjednik je predstavio slijedeći dnevni red;

### 1) Razmatranje i usvajanje;

- a) Prijedloga Izvještaja o radu U.O. UPFBiH za 2013. godinu, izvjestioc Safudin Čengić, predsjednik U.O.;
  - b) Prijedloga Izvještaja delegacije ESV- a za 2013. godinu, izvjestioc Safudin Čengić, predsjednik U.O.;
  - c) Prijedloga Finansijskog izvještaja UPFBiH za 2013. godinu, izvjestioc Mladen Pandurević, direktor UPFBiH;
  - d) Prijedloga Programa rada UPFBiH za 2014. godinu, izvjestioc Safudin Čengić, predsjednik U.O.;
  - e) Prijedloga Finansijskog plana UPFBiH za 2014. godinu, izvjestioc Mladen Pandurević, direktor UPFBiH;
- 2) Prijedloga Statuta o izmjenama i dopunama Statuta, izvjestioc Mladen Pandurević, direktor UPFBiH;
- 3) Predlaganje Skupštini za izbor predsjednika i dva zamjenika predsjednika Skupštine
- 4) Predlaganje Skupštini za izbor novih članova Upravnog odbora UP FBiH.



XIII redovna Skupština UP FBiH



### Članovi Skupštine Udruženja poslodavaca FBiH

- Izvještaj o radu je jednoglasno usvojen,
- Izvještaj o radu ESV-a je jednoglasno usvojen,
- Izvještaj o finansijskom poslovanju za 2013. godinu koji je izlagao Mladen Pandurević je jednoglasno usvojen.
- Program rada za 2014. godinu jednoglasno je usvojen
- Finansijski plan za 2014. godinu je jednoglasno usvojen.

Nakon usvajanja materijala direktor Udruženja je izložio tri preostale tačke dnevnog reda te su zaključci bili slijedeći; Direktor Udruženja poslodavaca FBiH je članovima Skupštine predstavio Novi Statut Udruženja poslodavaca FBiH uz objašnjenje da je Statut napravljen prije 11 godina i da je postojala potreba da se napravi novi koji bi olakšao rad Udruženja poslodavaca. Predloženi Statut UP FBiH je jednoglasno usvojen.

Po tačci 3. dnevnog reda, Skupština se jednoglasno izjasnila da ponovno imenuje za Predsjednika Skupštine Zorana Gazibarića, a za dva zamjenika predsjednika Skupštine Branu Vujičića i Sulejmana Haračića , te njihove mandate produžila na dvije godine.

Na sjednici je došlo do promjene dva člana Upravnog odbora. Umjesto Edite Mulić, Nexe grupe Sarajevo i Harisa Kuskunovića, Klas d.d. Sarajevo, izabrana su nova dva člana U.O.

Novi član Smail Ramović, Mann+Hummel d.o.o. Tešanj, kandidovan ispred Udruženja privrednika "Biznis centar" Jelah/Tešanj, te je drugi član Rusmir Hrvić, Klas d.d. Sarajevo kao novi direktor kompanije. Klas d.d., te je prijedlog za njegovo imenovanje kandidovao Upravni odbor UP FBiH. Oba prijedloga su jednoglasno usvojena.



Almedina Šuvalija, zamjenica direktora USAID Gold Projekt, Mark McCord, direktor USAID Gold Projekt

**Nermin Nikšić, Premijer Vlade FBiH**

## **Udruženje najbolje prepoznaće probleme koji stoje na putu ekonomskog napretka naše države**


U svom pismu upućenom Udruženju poslodavaca FBiH Premijer Vlade FBiH, Nermin Nikšić je rekao "Izuzetno sam počašćen pozivom da prisustvujem XIII redovnoj Skupštini Udruženja poslodavaca Federacije BiH koja će se održati 09.09.2014. godine u Sarajevu.

Riječ je o udruženju s kojim Vlada Federacije BiH, kao jednim od partnera u Ekonomsko-socijalnom vijeću za teritorij Federacije BiH, stalno i usko sarađuje. Vaše sugestije i prijedloge Vlade Federacije BiH uvijek krajnje ozbiljno razmatra, svjesna da vaši članovi, kroz stalne poslovne aktivnosti, najbolje prepoznaju probleme koji stoje na putu ekonomskog napretka naše države.

Nažalost, zbog održavanja sjednice Vlade Federacije BiH istog dana u Mostaru, neću biti u prilici da se odazovem pozivu. Stoga vas, na ovaj način, molim da učesnicima XIII Skupštine prenesete moje iskrene pozdrave i želje za uspješan rad, a svim članovima Udruženja poslodavaca Federacije BiH očekivanja da će saradnja Vlade FBiH i privrednika koje okupljate dovesti do novih pozitivnih rezultata.

Takođe, informiram vas da će u moje ime i u ime Vlade Federacije BiH Skupštini prisustvovati gosp. Desnica Radivojević, zamjenik premijera Federacije BiH i federalni ministar prostornog uređenja.

**Desnica Radivojević, zamjenik premijera Vlade FBiH i Ministar prostornog uređenja i okoliša FBiH**



## **Bez privrede nema društveno-ekonomskog opstanka**

„Bez privrede nema društveno-ekonomskog opstanka naše zemlje. Poslodavci su karika koja povlači ekonomski lanac naprijed, te bez poslodavaca nema ni zapošljavanja. Jedan od naših ciljeva jeste da poboljšamo poslovni ambijent, te ćemo kroz naše aktivnosti i programe rada nastojati odgovoriti na zahtjeve poslodavaca koji su iznešeni na tematskoj sjednici Vlade FBiH“

**Ismet Bajramović, predsjednik SSS BiH**

## **Svjesni smo značaja poslodavaca**

Ismet Bajramović, predsjednik SSS BiH je naglasio da bez obzira na moguće sukobe mišljenja, poslodavci i sindikati imaju dobro partnerstvo i dobru saradnju.

“Mi smo svjesni značaja poslodavaca u jednom društvu jer su oni ti koji zapošljavaju, te su glavna karika u razvoju ekonomskog ambijenta u našoj zemlji.

Udruženje i Savez samostalnih sindikata BiH će se truditi stvoriti što bolji ekonomsko-socijalni ambijent jer institucije vlasti su se prilično uspavale.”

**Minka Rešidbegović, predsjednica Sindikata radnika finansijskih organizacija**



## **Sva tri socijalna partnera rade na iznalaženju rješenja u stvaranju boljeg ambijenta u našoj zemlji**

Minka Rešidbegović, predsjednica Sindikata radnika finansijskih organizacija je u svom obraćanju je izrazila zahvalnost članicama na pozivu i rekla da je potrebna velika upornost sva tri socijalna partnera u iznalaženju rješenja za stvaranje boljih uslova kako poslovanja tako i radnika. Također se zahvalila predstavnicima bankarskog sektora i sektora osiguranja na razumjevanju prilikom pregovora o Kolektivnom ugovoru za granu finansija.

Nakon govora gostiju članovi Skupštine su izrazili želju da se obrate prisutnim predstavnicima vlasti i drugim privrednicima u vezi trenutnih problema i poteškoća sa kojima se susreću u svom svakodnevnom poslovanju.

### Safudin Čengić, predsjednik UO



Predsjednik U.O. UP FBiH Safudin Čengić je u svom obraćanju istakao da je Ekonomsko-socijalno vijeće za teritorij FBiH izvanredan alat za sve socijalne partnere, te je potrebno zakonski regulisati obavezu izvršne i zakonodavne vlasti da usvojene zaključke sa ESV-a mora ozbiljno razmatrati.

Također, kako je dodao, moramo pronaći način da privolimo investitore da ulažu u Federaciju BiH i BiH, te pokrenuti određene infrastrukturne radove koji će omogućiti veće zapošljavanje i poboljšanja poslovnog ambijenta u BiH.

Što se tiče kolektivnih ugovora na nivou FBiH, danas je potpisana Kolektivni ugovor za granu finansija, te je istakao da se iskreno nada da je na obostrano zadovoljstvo, te da će potpisivanje ovog ugovora pokrenuti i inicijativu Udruženja da se što prije dođe do raskidanja svih spornih ugovora na teritoriji FBiH.

Čengić je dodao da je UPFBiH tokom 2013. godine učlaniilo 208 kompanija i da se svake godine radi na omasovljavanju članstva.

U proteklom periodu, kazao je Čengić, Upravni odbor je razmatrao o većem broju zakona kao što su; Zakon o radu, Zakon o unutrašnjem platnom prometu, Zakon o akcizama, Zakon o inspekciji FBiH, Zakon o porezu na dobit, Zakon o vatrogastvu i zaštiti od požara, itd.

Ekonomsko-socijalnog vijeća na kome smo iznijeli svaki aktuelni problem sa kojim se susreću poslodavci - dodao je Čengić.

### Amir Međić, generalni sekretar UTOK



Amir Međić, Generalni sekretar UTOK istakao je da Udruženje poslodavaca FBiH treba naći rješenje koje će ubrzati prijedloge mjera koje je Udruženje predložilo Vladi FBiH.

Zahtjeve koje je usvojila Vlada FBiH potrebno je sputiti ina niže nivoe vlasti kako bi se na što brži i efikasniji način došlo do otvaranja novih radnih mjesta, te do poboljšanja poslovnog ambijenta u cijeloj Bosni i Hercegovini.

Zakonsku regulativu potrebno je poboljšati kako bi se umanjio pritisak na poslodavce, koji iz godine u godinu biva sve veći.

Prijedlog mjera za izlazak iz ekonomske i društvene krize koji je sačinilo Udruženje potrebno je svakodnevno podržavati i insistirati na njihovom implementiranju u što skorijem roku.

### Nijaz Skenderagić, Ataco d.o.o. Mostar



Nijaz Skenderagić, Ataco d.o.o. Mostar je zatražio od U.O. da pokrene inicijativu preispitivanja plaćanja članarine Vanjskogovinske komore.

"Potrebno je učiniti veliki napor da okupimo ljudе koji mogu zapošljavati veliki broj ljudi, kao što su auto-industrija, poljoprivreda, metalna industrija itd.", istakao je Skenderagić.

**Edhem Biber, predsjedavajući ESV-a**

Edhem Biber, Predsjedavajući ESV-a FBiH je u svom govoru istakao da Udruženje poslodavaca aktivno učestvuje u radu ESV-a. Delegacija poslodavaca u Ekonomsko-socijalnom vijeću nudi značajne prijedloge i rješenja za poboljšanje ekonomskog i društvenog ambijenta u našoj zemlji.

Biber je članovima Skupštine poželio uspješan rad u nadi da će izvještaj o radi i svi drugi materijali biti usvojeni, te da će Program rada za 2014. godinu u potpunosti biti ispunjen.

**Hazim Zečević, UPKP FBiH**

Hazim Zečević, predstavnik Udruženja poslodavaca komunalne privrede FBiH je u svom izlaganju naveo kako je potrebno da se Udruženje u svom radu osvrne i na Zakon o zaštiti okoliša i energetskog snabdjevanja.

Također je naveo da je potrebno donijeti i Zakon o komunalnoj privredi FBiH jer takav zakon još uvijek ne postoji na Federalnom nivou, te je ovim putem zamolio predstavnike delegacije poslodavaca u ESV-u da podrže ovu inicijativu. Zečević je naveo da je UPKP FBiH imalo izuzetnu saradnju sa UP FBIH oko predlaganja propisa i pregovora sa sindikatom u vezi nekoliko zakona koji se tiču ove branše.

**Rasim Salčinović, PPUD Salčinović**

Rasim Salčinović, PPUD Salčinović je u svom obraćanju uputio riječi zahvale Udruženju poslodavaca FBiH na požtrvovanom radu i želji za stvaranjem što boljeg poslovnog ambijenta u našoj zemlji. Također, je naveo da je potrebno dati podršku domaćoj proizvodnji, te pomoći poljoprivredi na što bolji i efikasniji način. "Podrška domaćoj proizvodnji je neophodna kako bi se stvorila mogućnost zapošljavanja što većeg broja osoba, te kroz zakonske regulative djelovati kako bi se stvorio što bolji poslovni ambijent u našoj zemlji", istakao je Salčinović.

**Bojičić Amira, JKP "Centar Skenderija"**

Bojičić Amra, JKP "Centar Skenderija" je u svom govoru pozvala Udruženje i poslodavce da podrže domaće sajmove jer su sajmovi ogledalo ekonomije jedne zemlje.

Bojičić je navela da JKP Centar Skenderija ima dobru saradnju sa Vanjskotrgovinskom komorom, te poziva i Udruženje da u zajedničkim aktivnostima pomognu BH poslodavce.

**Edin Ibrahimpašić,  
Bihaćka pivovara d.o.o.**



Edin Ibrahimpašić, Bihaćka pivovara d.o.o. je govorio o podršci domaćim proizvođačima, jer ukoliko ne dođe do veće kontrole na carinama i uvozu uopšte, neke od domaćih proizvodnji će ubrzo nestati.

“Ovim putem apelujem na organe izvršne i zakonodavne vlasti da ozbiljno uzmu u razmatranje prijedloge poslodavaca jer je stanje privrede više nego teško”, naveo je ibrahimapšić u svom obraćanju.

**Edhem Pašukan, Lutrija BiH**



Edhem Pašukan, Lutrija BiH, je naglasio da je potrebno finansijski podržati rad Udruženja poslodavaca FBiH. Finansijskom i kadrovskom podrškom Udruženja možemo doći do boljih rješenja za privredu BiH.

Uplaćivanje članarine i zapošljavanje što većeg broja ljudi u Udruženje je stvaranje uslova za brze i efikasne prijedloge.

“Ovim putem molim članstvo da ponudi svoje kadrove i da materijalno i kadrovski podržimo rad našeg udruženja”, istakao je Pašukan.

**Mladen Pandurević, direktor UPFBiH**



Mladen Pandurević, direktor UPFBiH je u svom govoru istakao da je Udruženje poslodavaca FBiH ispunilo svoj finansijski plan za 2013. godinu, te da je stepen naplate u iznosu od 62%, više nego dobar. Također je naveo da je 2013. godina za Udruženje najuspješnija finansijska godina do sada, te da su troškovi smanjeni za oko 4%.

Direktor Udruženja je na Skupštini predstavio i novi Statut Udruženja naglasivši da je isti donesen prije 11 godina i da je postojala potreba za novim Statutom. Jedna od najznačajnih promjena u Statutu jeste ta da je uveden Savjet koji će davati Udruženju strateške prijedloge.

“Prijedlog koji je podnijela Grupacija poslodavaca ZE-DO Kantona se treba riješiti Odlukom o visini članarine, a ne Stautom kako je to traženo od ove Grupacije”, istakao je Pandurević

Jakub Čehić, Imtec d.o.o. Sarajevo nema je potrebna regulacija uvoza, te poboljšati rad inspekcijskih organa i zakonske regulative kako bi došlo do smanjenja sive ekonomije.

"Smatram da nama treba povećanje javne potrošnje, a ne smanjenje kako je to ovdje rečeno. Razlog tome jeste to što mi nismo izvozno orijentisana zemlja, te je potrebno da sredstva ulažemo na pravi način", istako je Čehić.

### Muhamed Pilav, Unipromet d.o.o. Sarajevo



Muhamed Pilav, Unipromet d.o.o. Sarajevo je rekao da je potrebno donijeti zaključak u vezi hitnog stupanja u akciju rješavanja problema, te da se napravi konkretniji osvrt na trenutna dešavanja u Bosni i Hercegovini.

Udruženje poslodavaca treba insistirati na implementaciji Prijedloga mjera za izlazak iz ekonomske i društvene krize.

### Izabrana dva nova člana Upravnog odbora

Na sjednici je došlo do promjene dva člana Upravnog odbora. Umjesto Edite Mulić, Nexe grupe Sarajevo i Harisa Kuskunovića, Klas d.d. Sarajevo, izabrana su nova dva člana U.O. Smaila Ramovića, Mann+Hummel d.o.o. Tešanj, kandidovalo je Udruženje privrednika "Biznis centar" Jelah/Tešanj i Rusmir Hrvić, Klas d.d. Sarajevo kao novi direktor ove kompanije. Prijedlog Upravnog odbora je jednoglasno usvojen.

Na ovom skupu pored brojnih članica i gostiju prisustvovao je i veliki broj printanih i elektronskih medija iz cijele Bosne i Hercegovine. Nakon uspješno održane Skupštine upriličen je i koktel na kojem su privrednici, zamjenik Premijera Vlade FBiH i predstavnici međunarodnih i domaćih organizacija nastavili razgovore o mogućnostima i načinima poboljšanja bh ekonomije.

Kroz program rada UP FBiH za 2014. godinu, koji je jednoglasno usvojen, Udruženje će insistirati na donošenju zakona za rasterećenje privrede, mjerama za suzbijanje sive ekonomije, rasterećenju doprinosa za 10%, multilateralnoj kompenzaciji na kojoj trebaju insistirati poslodavci na ESV-u, jačanju kapaciteta Udruženja poslodavaca FBiH, pripremi novih kolektivnih ugovora, ukidanju parafiskalnih namete TZ i naknade za šume i mnogim drugim aktivnostima koje su navedene u Programu rada.

Udruženje poslodavaca FBiH će dio svojih aktivnosti bazirati i na saradnju sa međunarodnim institucijama kroz projekte započete u 2013. godini i kroz projekte u 2014. godini, te planira dio svojih aktivnosti usmjeriti na osnivanje, poticaj razvoja granskih udruženja.

Sve materijale o kojima se raspravljalo možete preuzeti na našoj web stranici [www.upfbih.ba](http://www.upfbih.ba/index.php/organi/skupstina/sjednice/334-trinaest) ili na slijedećem linku; <http://www.upfbih.ba/index.php/organi/skupstina/sjednice/334-trinaest>

### Zoran Gazibarić ponovno izabran za predsjednika Skupštine

Skupština se jednoglasno izjasnila da ponovno imenuje za Predsjednika Skupštine Zorana Gazibarića a za dva zamjenika predsjednika Skupštine Branu Vujičića i Sulejmana Haračića, te njihove mandate produžila na još dvije godine.



Nijaz Skenderagić, Ataco d.o.o. Sarajevo, Kenan Rešo, direktor ZZZ FBiH i Edin Ibrahimpašić, Bihaćka pivovara Bihać



Hidajeta Bajramović, direktorica FZZS i Munira Zahiragić FZZS



Alija Bakšić, AP BiH i Igor Baroš, Optika Baroš d.o.o.



Koktel

# Pismo Premijera Vlade FBiH, Nermina Nikšića povodom održavanja XIII redovne Skupštine UP FBiH

BOŠNJA I HERCEGOVINA  
FEDERACIJA BOŠNJE I HERCEGOVINE  
PREMIJER

БОШЊА И ХЕРЦЕГОВИНА  
ФЕДЕРАЦИЈА БОШЊЕ И ХЕРЦЕГОВИНЕ  
ПРЕМИЈЕР

BOŠNIA AND HERZEGOVINA  
FEDERATION OF BOŚNIA AND HERZEGOVINA  
PRIME MINISTER

Sarajevo, 07.04.2014. godine

Skupština Udruženja poslodavaca Federacije BiH  
Gosp. Zoran Gazić, predsjednik

Poštovani!

Izuzetno sam počašćen pozivom da prisustvujem XIII redovnoj Skupštini Udruženja poslodavaca Federacije BiH koja će se održati 09.04.2014. godine u Sarajevu.

Riječ je o udruženju s kojim Vlada Federacije BiH, kao jednim od partnera u Ekonomsko-socijalnom vijeću za teritorij Federacije BiH, stalno i usko saraduje. Vaše sugestije i prijedloge Vlade Federacije BiH uvijek krajnje ozbiljno razmatra, svjesna da vaši članovi, kroz stalne poslovne aktivnosti, najbolje prepoznaju probleme koji stoje na putu ekonomskog napretka naše države.

Nazalost, zbog održavanja sjednice Vlade Federacije BiH istog dana u Mostaru, neću biti u prilici da se odazovem pozivu. Stoga Vas, na ovaj način, molim da učesnicima XIII Skupštine prenesete moje iskrene pozdrave i želje za uspješan rad, a svim članovima Udruženja poslodavaca Federacije BiH očekivanja da će saradnja Vlade Federacije BiH i privrednika koje okupljate dovesti do novih pozitivnih rezultata.

Takođe, informiram Vas da će u moje ime i u ime Vlade Federacije Bosne i Hercegovine Skupštini prisustvovati gosp. Dejan Radivojević, zamjenik premijera Federacije BiH i federalni ministar prostornog uredanja.

Srdačno,

PREMIJER  
Nermin Nikšić

# Vlada FBiH održala tematsku sjednicu sa Udruženjem poslodavaca FBiH

**"Prijedlog mjera za izlazak iz ekonomske i društvene krize" koji je sačinilo Udruženje poslodavaca FBiH postao sastavni dio Programa rada Vlade Federacije BiH za 2014. godinu**

Dana 03. aprila 2014. godine održana je tematska sjednica Vlade Federacije BiH na kojoj su pored predstavnika Vlade FBiH prisustvovali predstavnici Udruženja poslodavaca FBiH i Savez samostalnih sindikata BiH.

Predstavnici ispred Udruženja poslodavaca FBiH na sjednici su prisustvovali Safudin Čengić, predsjednik U.O., Mladen Pandurević, direktor UP FBiH i Midhat Terzić, potpredsjednik U.O. UP FBiH.

Osim partnera u Ekonomsko-socijalnom savjetu, prisustvovao i potpredsjednik FBiH Svetozar Pudarić.

Na tematskoj sjednici razmatrali su se prijedlozi mjera za prevazilaženje krize koje su ponudili predstavnici UP FBiH i SSS BiH.

Nakon održane sjednice Vlada FBiH donijela je slijedeći zaključak;

1. **Mjere predložene u dokumentima „Prijedlog mjera za izlazak iz ekonomske i društvene krize“ Udruženja poslodavaca FBiH i „Prijedlog mjera za prevazilaženje teške ekonomsko-socijalne situacije u Federaciji Bosne i Hercegovine, a koje su federalni ministri prihvatali, postaju sastavni dio Programa rada Vlade Federacije Bosne i Hercegovine za 2014. godinu.**
2. **Zadužuje se Federalni zavod za programiranje razvoja da prihvate mјere iz tačke 1. ovog zaključka, uključi u Dokument „Program rada Vlade Federacije Bosne i Hercegovine za 2014. godine“.**
3. **Udruženje poslodavaca Federacije Bosne i Hercegovine i Savez samostalnih sindikata BiH će, do ponedjeljka, 07.04.2014. godine, Uredu Premijera Federacije Bosne i Hercegovine dostaviti imena predstavnika u radnim grupama koje će obaviti dodatne konsultacije sa predstvincima federalnih ministarstava, o mjerama iz tačke 1. ovog zaključka, koje federalni ministri nisu prihvatali.**
4. **Vlada Federacije Bosne i Hercegovine će, sa predstvincima Udruženja poslodavaca Federacije Bosne i Hercegovine i Saveza samostalnih sindikata BiH, po proteku 60 dana od dana stupanja na snagu ovog zaključka, održati novu tematsku sjednicu.**
5. **Nakon održavanja tematske sjednice iz tačke 4. ovog zaključka, uputiti će se zahtjev za održavanje tematske sjednice Parlamenta Federacije Bosne i Hercegovine.**
6. **Ovaj zaključak stupa na snagu danom donošenja.**



Predstavnici UP FBiH i SSS BiH na tematskoj sjednici Vlade FBiH

# Potpisan Kolektivni ugovor za granu finansija



## Potpisnici Granskog kolektivnog ugovora za granu finansija

Dana 09. aprila 2014. godine Udruženje poslodavaca Federacije BiH i Samostalni sindikat radnika finansijskih organizacija potpisali su Kolektivni ugovor za granu finansija FBiH.

Prilikom pregovaranja predstavnici sindikata i poslodavaca su ostvarili maksimalnu saglasnost i postigli kompromis za rješenja koja su se našla u ugovoru.

Ovaj kolektivni ugovor će donijeti određene beneficije i pozitivna rješenja iz radnih odnosa, naglasio je, Predsjednik Upravnog odbora Grupacije poslodavaca iz oblasti finansijskog poslovanja Edhem Pašukan.  
- Utvrđena je najniža satnica za zaposlenog koja iznosi 3,30 KM po satu, kao i vrijednosti, odnosno iznosi davanja poslodavaca prema zaposleniku u vezi s regresom, toplim obrokom, slobodnim danima, godišnjim odmorom, određenim naknadama za noćni i prekovremeni rad i drugo-kazao je Pašukan.

Ovaj Ugovor će biti objavljen u Službenim novinama FBiH, a u roku od 90 dana poslodavci i sindikati, odnosno vijeća uposlenika dužna su sačiniti sporazum o primjeni ugovora.

Ovim potpisom učinjen je prvi korak da se otvore vrata i stvore uvjeti da bismo kao sindikat ušli u te finansijske institucije i omogućili ljudima da formiraju sindikalne organizacije, te potpišu sporazum s poslodavcima, istakla je Minka Rešidbegović, predsjednica Samostalnog sindikata radnika finansijskih organizacija BiH.

Potpisivanju ugovora prisustvovao je zamjenik premijera Federacije BiH i ministar prostornog uređenja Desnica Radivojević, predstavnici federalnih ministarstva finansija, te prometa i komunikacija, Udruženja banaka BiH i drugi. Kolektivni ugovor rezultirati pravnom sigurnošću i socijalnom zaštitom uposlenih u ovom sektoru, te da je dobar znak svim ostalim granskim sindikatima i poslodavcima da što prije pristupe zaključivanju kolektivnih ugovora, istakla je Pomoćnica federalnog ministra finansija Mira Bradara.



**Edhem Pašukan, Predsjednik U.O. Grupacije iz oblasti finansija i Mehmedalija Zilić Predsjednik Skupštine SS iz oblasti finansijskih organizacija BiH**

# Elektronska sjednica Upravnog odbora UP FBiH

Dana 05. aprila 2014. godine zakazana je elektronska sjednica Upravnog odbora UP FBiH na kojoj su se članovi U.O. UP FBiH do 08. aprila do 12:00 časova trebali izjasniti o slijedećem dnevnom redu:

- 1) Usvajanje materijala za 13. redovnu Skupštinu UP FBiH;
  - a) Prijedlog Izvještaja o radu U.O. UPFBiH za 2013. godinu;
  - b) Prijedlog Izvještaja delegacije ESV-a za 2013. godinu;
  - c) Prijedlog Finansijskog izvještaja UPFBiH za 2013. godinu;
  - d) Prijedlog Programa rada UPFBiH za 2014. godinu;
  - e) Prijedlog Finansijskog plana UPFBiH za 2014. godinu;
  - f) Prijedlog Statuta o izmjenama i dopunama Statuta;
- 2) Predlaganje Skupštini za izbor novih članova Upravnog odbora UP FBiH;
- 3) Predlaganje Skupštini za izbor predsjednika i dva zamjenika predsjednika Skupštine;
- 4) Izbor delegata za Skupštinu UP FBiH.



Na osnovu člana 4. Statuta o izmjenama i dopunama Statuta UP FBiH odmah po isteku određenog roka, Predsjednik Upravnog odbora putem elektronske pošte obavještava članove U.O. o rezultatima elektronskog glasanja po slijedećim tačkama dnevnog reda;

Shodno tome obavještavamo vas da je od 13 članova U.O., 5 članova U.O. pismenim putem dalo svoju saglasnost na sve materijale iz dnevnog reda, dok se 8 članova U.O. nije izjasnilo što se po tački 4. Statuta o izmjenama i dopunama statuta UP FBiH smatra kao prihvatanje odluke.

Prema članu 4. Statuta o izmjenama i dopunama Statuta UP FBiH alineja 5., glasanje putem elektronske pošte ima istu pravnu snagu i obavezujuće dejstvo, kao i glasanje izvršeno na sjednici Upravnog odbora Udruženja. U skladu s navedenim dnevni red i materijali sa elektronske sjednice su jednoglasno usvojeni.

# Udruženje poslodavaca FBiH pokrenulo Zahtjev za ocjenu ustavnosti kantonalnih zakona o šumama

Predlažemo Vam, da kao ovlašteni predлагаč, a na osnovu IV. C. člana 10. stav 2. Alineja d) Ustava Federacije BiH, pokrenete pred Ustavnim sudom FBiH, postupak

## OCJENE USTAVNOSTI

Sljedećih propisa:

Zakon o šumama objavljen u Službenim novinama kantona Sarajevo br. 5/13,  
Zakon o šumama objavljen u Službenim novinama Zeničko-dobojskog kantona br. 8/13,  
Zakon o šumama objavljen u Narodnim novinama Zapadnohercegovačke županije br. 8/13  
Zakon o šumama objavljen u Službenom glasniku Unsko-sanskog kantona br.22/12,  
Zakon o šumama objavljen u Službenim novinama Bosansko-podrinjskog kantona Goražde br. 04/13  
Zakon o šumama objavljen u Službenim novinama Tuzlanskog kantona br. 09/12,  
Zakon o šumama objavljen u Narodnim novinama Županije posavske br.9/13  
Uredba o šumama objavljena u Narodnim novinama Hercegbosanske županije br. 6/10

Razlozi za pokretanje postupka ocjene ustavnosti su sljedeći:

Neusklađenost sa odlukama i presudama Ustavnog suda FBiH

Postoji više presuda i odluka Ustavnog suda FBiH, u kojima sve odredbe sadrže jasan stav o ustavnosti utvrđivanja visine javnih prihoda. Takva je naprimjer i presuda Ustavnog suda FBiH broj U-29/04 od 09. novembra 2005. godine objavljena u Službenim novinama FBiH, broj 74/05 u kojoj se konstatiše sljedeće: „ Polazeći od citiranih odredaba Ustava Federacije Bosne i Hercegovine i Amandmana na Ustav Federacije Bosne i Hercegovine, Ustavni sud Federacije je utvrdio da Općinsko vijeće Livno nije moglo propisati plaćanje posebnih taksi za finansiranje djelatnosti sporta i fizičke kulture kako je to propisano u navedenoj Odluci, pogotovo što Zakonom o pripadnosti javnih prihoda u Federaciji Bosne i Hercegovine i finansiranju Federacije Bosne i Hercegovine, nije utvrđeno pravo Federacije, kantona i općine na javne prihode (poreze ili takse) iz ukupnog prihoda pravne osobe “.

S obzirom da svi Zakoni o šumama na nivou kantona koje smo prethodno naveli, propisuju da je osnov za utvrđivanje visine članarine ukupan prihod, očigledno je, da su te odredbe u suprotnosti ne samo sa Zakonom o pripadnosti javnih prihoda, nego i sa presudama Ustavnog suda FBiH.

Zbog toga i ne postoji obaveza pravnih lica da plaćaju navedenu naknadu za općekorisnu funkciju šuma.

Nepostojanje osnova za obavezu plaćanja općekorisne funkcije šuma

Općekorisne funkcije šuma su korisne blagodati za čovjeka i njegovu okolinu, te naknadu za isto bi trebalo da plaćaju svi građani, a ne samo pravna lica koja se bave privrednom djelatnošću.

Opštakorisne funkcije šuma su:

- zaštita zemljišta od erozije;
- uravnoteženje vodenih režima te sprečavanje bujica;
- pročišćavanje voda kroz šumsko zemljište te opskrba podzemnih tokova i izvorišta pitke vode;
- povoljni uticaj na klimu i poljoprivrednu djelatnost;
- pročišćavanje zraka;
- uticaj na ljepotu krajolika;

U skladu da prethodno navednim, osnovni princip trebao bi biti da određene vrste javnih prihoda plaćaju oni koji imaju korist od nekog javnog dobra ili koji svojim djelovanjem negativno utiču na postojanje nekog opšteg dobra.

Koji god princip smatrali ispravnim, nijedan nije dosljedno primjenjen.

Ako primjenimo prvi princip, onda bi obveznici ovog nameta trebali biti svi zaposleni. Ako pak primjenimo drugi princip, onda bi obveznici trebali biti i svi oni koji zagrijavaju svoje domove, bilo putem toplana, bilo individualnim ložištima, kao i svi oni koji voze automobile itd. S druge strane postoje privredne djelatnosti koje nikako ne utiču na gore navedeno, a subjekti koji se bave tim djelatnostima su obveznici ovog nameta.

Nasuprot naknadi općekorisne funkcije šuma, već postoje ostale vrste naknada koje plaćaju privrednici za korist koju ostvaruju ekonomskom eksploatacijom šuma. Jedna od tih je i naknada za korištenje šuma koja je regulisana svim kantonalnim propisima o šumama, sljedećim članovima:

Član 60. Zakon o šumama, Službene novine kantona Sarajevo br. 5/13,

Član 51. Zakon o šumama, Službene novine Zeničko-dobojskog kantona br. 8/13,

Član 45. Zakon o šumama, Narodne novine Zapadnohercegovačke županije br. 8/13,

Član 67. Zakon o šumama, Službeni glasnik Unsko-sanskog kantona br.22/12,

Član 53. Zakon o šumama, Službene novine Bosansko-podrinjskog kantona Goražde br. 04/13,

Član 35. Zakon o šumama, Službene novine Tuzlanskog kantona br. 09/12,

Član 48. Zakon o šumama, Narodne novine Županije posavske br.9/13,

Član 24. Uredba o šumama, Narodne novine Hercegbosanske županije br. 6/10.

Iz ovog vidimo da ovaj namet plaćaju oni koji od eksploatacije šume imaju korist, što potvrđuje, našu gore navedenu tvrdnju. I to nije ni sporno.

Zbog toga je evidentno da naplata ovog nameta pravnim licima koja su propisana kantonalnim propisima o šumama, predstavlja povredu prava na imovinu, te diskriminaciju tih lica u odnosu na sva ostala pravna lica.

Naime, član 2. Ustava Federacije BiH ( II dio., Opće odredbe) konstatiše da će Federacija osigurati primjenu najvišeg nivoa međunarodno priznatih prava i sloboda. Prema navedenom članu 2. propisano je da sve osobe na teritoriji Federacije uživaju prava na, između ostalog:

d) zabranu svake diskriminacije zasnovane na rasi, boji kože, polu, jeziku, religiji ili vjerovanju, političkim ili drugim uvjerenjima, nacionalnom i socijalnom porijeklu;

k) imovinu

Također, član 14. Evropske konvencije za zaštitu ljudskih prava i osnovnih sloboda propisuje:

„Uživanje prava i sloboda predviđenih u ovoj Konvenciji obezbjeđuje se bez diskriminacije po bilo kom osnovu, kao što su pol, rasa, boja kože, jezik, vjeroispovijest, političko ili drugo mišljenje, nacionalno ili socijalno porijeklo, veza s nekom nacionalnom manjinom, imovno stanje, rođenje ili drugi status.“

Obzirom da je Evropska konvencija za zaštitu ljudskih prava i osnovnih sloboda sastavni dio Ustava FBiH, naplata ovakvog nameta, predstavlja kršenje Ustava FBiH.

Nesporno je da su usvajajući propise o šumama, Vlade Kantona postupile suprotno Ustavu FBiH, i to zato što:

Time vrše diskriminaciju navedenih lica i to dvostruku

Diskriminaciju pravnih lica koja plaćaju naknadu za općekorisnu djelatnost šuma, u odnosu na ostala pravna lica koja ne plaćaju istu naknadu.

Diskrimacija zaposlenih u pravnim licima koja plaćaju naknadu za općekorisne funkcije šuma, u odnosu na zaposlene u pravnim licima koja isti namet nisu obavezni plaćati.

Također tim licima ograničeno je pravo na imovinu, potpuno suprotno članu 1. Prvog Protokola uz Konvenciju o ljudskim pravima i osnovnim slobodama.

Budući da trenutno ne postoji federalni zakon o šumama, njegovim donošenjem svakako će se pojaviti potreba za usklađivanjem kantonalnih zakona sa tim zakonom. Vrlo je teško povjerovati da bi Vlada FBiH sebi dozvolila da predloži zakon koji nije u skladu sa Ustavom FBiH.

# Sastanak sa predstavnicima USAID-a

**Na sastanku je zaključeno da će se mnogo više pažnje u budućnosti posvetiti konkretno pomoći poslodavcima, u cilju zaobilazeњa dramatično komplikovanih procedura.**



## Predstavnici USAID-a i Udruženja poslodavaca FBiH

Delegacija USAID-a u tročlanom sastavu je 25.03.2014. održala sastanak sa predstavnicima Udruženja poslodavaca. Sastanku su ispred USAID-a prisustvovali g-din Thomas Rojas, direktor ureda za ekonomski razvoj, Alexander Bond – COO u USAID-u i g-din Vladimir Milin, koordinator FIRMA projekta i jedan od savjetnika za implementaciju GOLD projekta.

Ispred Udruženja poslodavaca sastanku su prisustvovali g-din Eldin Hadžiselimović, direktor za prodaju i član uprave ASA Holdinga, Haris Muslić iz Coca-Cola CHC HBC, Muhamed Pilav, direktor Unipromet i MS&Woods, Mladen Pandurević, direktor UPFBiH i Seid Fijuljanin, koordinator u UPFBiH.

Svrha ovog sastanka je bila da predstavnici USAID-a dobiju jasniju sliku o stvarnim problemima poslodavaca, da čuju stavove UPFBiH na temu nekoliko aktuelnih pitanja i da se povedu prvi razgovori o aktivnoj saradnji USAID-a i UPFBiH. G-din Rojas je pokazao svoje interesovanje o stavu poslodavaca a na temu promjenjenog poslovnog okruženja u svjetlu događaja koji tinjaju od februara ove godine, zatim stav poslodavaca o Zakonu o javnim nabavkama, te tačke za suradnju vis-a-vis GOLD projekta.

Kada je u pitanju poslovno okruženje, gdin Pandurević je naglasio da smo prije mjesec dana napravili program mjera za izlazak iz ekonomске i društvene krize. Taj program je poslat Vladi Federacije i dogovorene su tematske sjednice Vlade FBiH.

Eldin Hadžiselimović je ukratko prezentovao poslovanje i procese ASA Holdinga, i naglasio da je glavna stvar spoticanja za Prevent neusklađenost lokalnih i viših regulativa. Dao je prijedlog da bi se trebalo raditi na nekoj vrsti partnerstva između vlade i privatnog sektora, kao i na harmonizaciji propisa.

Haris Muslić iz Coca Cole HBC BH je naglasio totalno neusklađenost zakona između entiteta. Nedonošenje Zakona o radu i nelikvidnost svake godine prouzrokuje njihovoj kompaniji značajne gubitke.

Muhamed Pilav je rekao da je stanje jako loše i da će biti sve lošije ukoliko se hitno ne poduzmu određene mjere i donesu jasne strategije djelovanja. Strategije su jednostavne: bez dramatične proizvodnje za izvoz – stanje će se dramatično pogoršati. Isto tako, tom lošem ambijentu doprinose mediji i printani i elektronski, ne bave se prenošenjem informacija, već oblikuju javno mnjenje, i zastupaju svoje stavove koji nisu kreativni ni istiniti.

Na sastanku je zaključeno da će se mnogo više pažnje u budućnosti posvetiti konkretno pomoći poslodavcima, u cilju zaobilazeњa dramatično komplikovanih procedura. GOLD projekt također stoji na raspolaganju i svojim aktivnostima će pokušati maksimalno staviti fokus na nova zapošljavanja i na poticaj poslovnog okruženja.

# Hano d.o.o. Nova članica Udruženja poslodavaca FBiH

Udruženju poslodavaca FBiH je krajem aprila 2014. godine je pristupila kompanija Hano d.o.o. iz Sarajeva.

Hano d.o.o. je ulaskom u UPFBiH dobio legitimnu snagu da svoj poslovni ambijent olakšava pogodnostima za koja će se sada zalagati kroz UPFBiH, a koja su bitna karika u daljem razvoju poslodavaca iz Sarajevskog kantona.

HANO d.o.o je osnovan 1998 i u cijelosti je u vlasništvu Gosp. Nahida Hasanbegovića, građevinskog inžinjera sa preko 30 godina iskustva u predmetnoj djelatnosti, koji je još uvijek direktno uključen u svakodnevne aktivnosti kompanije.

Krajem 1990. godine gosp. Hasanbegović se odlučuje na osnivanje vlastitog preduzeća "BOSING" sa sjedištem u Fojnici koje je uspješno djelovalo do početka rata.

Po završetku rata, dana 28.03.1996. godine registruje vlastitu firmu „RAMA GLAS“ d.j.l. sa sjedištem u Sarajevu, u ulici Džavida Haverića b.b. ( sada Kolodvorska 12b ) čija je osnovna djelatnost proizvodnja, obrada i ugradnja raznih vrsta stakala.

Razvojem ove firme i sticanjem reputacije na tržištu, stvorila se potreba za formiranjem preduzeća za izradu i montažu aluminijskih staklenih fasada.

Zajedničkim ulaganjem sredstava firme "RAMA GLAS" i domaćih partnera, registruje 07.10.1998. godine kod Višeg suda u Sarajevu firmu "HANO" d.o.o. Sarajevo koja do danas uspješno posluje u okviru registrovanih djelatnosti.

Visoki nivo usluge i kvalitete rada firme HANO, afirmiran putem široke mreže arhitekata, konsultanata i brojnih klijenata, stvorio je snažan portfolio kompanije u nadolazećim godinama. Rastući zahtjevi građevinskog sektora u procвату, doveli su do formiranja specijaliziranih odjela koji funkcionišu kao integrirani skup firmi s naglaskom na aluminijске staklene fasade, premaze, stakla u arhitekturi i međunarodni transport.

Svaki odjel je s jedne strane potpuno neovisan u svojoj djelatnosti, do čim s druge strane usko je integriran u poslovnu cjelinu gdje se odjeli svojom djelatnošću međusobno nadopunjaju za svaki projekat.

U višegodišnjem periodu, HANO je izrastao u jednu od najvećih kompanija u regionu za izradu i montažu aluminijskih staklenih ventilirajućih fasada kao i za preradu stakla u pružajući visokokvalitetne proizvode i usluge koji u cijelosti zadovoljavaju međunarodne standarde.



# 10. SAJAM "BIZNIS 2014"

## Tešanj

Obavještavamo sve zainteresovane kompanije i privredne subjekte da će se 10. sajam privrede "BIZNIS 2014" Tešanj održati od 15.-17.05.2014. godine na lokalitetu Industrijske zone Bukva, Poslovni centar UKUS.

Ovogodišnji sajam se organizuje pod pokroviteljstvom Općine Tešanj, u saradnji sa AHK - Predstavništvom njemačke privrede u Bosni i Hercegovini i Društvo za međunarodnu saradnju Savezne Republike Njemačke - GIZ.

Zemlja prijatelj 10. sajma privrede je Savezna Republika Njemačka, odnosno Ambasada SR Njemačke - Ekonomski odjel, a svečanim presjecanjem vrpce i kratkim govorom NJ.E. Ambasador Ulrike Maria Knotz će otvoriti ovogodišnji jubilarni sajam privrede.

**Prijave za učešće na sajmu možete izvršiti putem Stručne službe Udruženja, na sljedeće kontakte:**

tel / fax: 032/655-760

e-mail: udruzenje@biznistesanj.ba

Mob: 061/416-115 - Lejla Galijaševićem

15.-17. MAJ  
Industrijska zona Bukva  
PC Ukus  
*Jubilarni*  
**10. SAJAM PRIVREDE  
BIZNIS 2014 TEŠANJ**

**BIZNIS CENTAR  
TEŠANJ**  
www.sajam.tešanj.net

german  
cooperation  
institut für internationale  
wirtschaft

Implemented by  
**giz**

AHK  
Deutsche Gesellschaft für  
Internationale Zusammenarbeit  
Gesellschaft für Internationale  
Zusammenarbeit

OPĆINA TEŠANJ

bh

tv1  
SAT 1  
TEŠANJ

# Održana sjednica Upravnog odbora Udruženja poslodavaca KS



Dana 11. aprila 2014. godine održana je sjednica Upravnog odbora Udruženja poslodavaca KS. Na sjednici su se razmatrale slijedeće tačke dnevnog reda;

1. Razmatranje ekonomskih mjera za izlazak iz krize;
2. Razmatranje inicijative za posjetu naše delegacije uredu Gradonačelnika;
3. Usklađivanje akata udruženja;
4. Prezentiranje stvarnih šteta nastalih kao posljedica demonstracija;
5. Prijedlog za pomoć firmama koje imaju direktnu posljedicu demonstracija.

Na sjednici je u vezi ekonomskih mjera za izlazak iz krize donesen zaključak da članovi Upravnog odbora trebaju razmotriti Program mjera za izlazak iz ekonomске i društvene krize UP FBiH, Prijedlog mjera Udruženja poslodavaca TK, te Prijedlog mjera koje je sačinio Predsjednik U.O. Muhamed Pilav.

Nakon redividiranja navedenih dokumenta potrebno je sačiniti Prijedlog mjera za izlazak iz krize Kantona Sarajevo, te mjere prezentovati predstavnicima Vlade KS i Skupštine KS. Na sjednici je potrebno argumentovano tražiti poboljšanje života građana i stanje privrede u Kantonu Sarajevo.

Također je zaključeno da je potrebno organizovati sastanak sa Gradonačelnikom Sarajeva i razgovarati o mogućnostima i njegovim ovlaštenjima u vezi rješavanja trenutne situacije u Kantonu Sarajevo.

Članovi Upravnog odbora su jednoglasno usvojili prijedlog Predsjednika U.O. u vezi inicijative za izmjenu i dopunu postojećeg Statuta UP KS, te izradu Poslovnika o radu ovog Udruženja.

Na sjednici je zatraženo da Stručna služba UP FBiH uputi pismo svim članicama Udruženja poslodavaca KS u kojem bi zatražili podatke o gubicima koja su pretrpile kompanije u periodu od 07. februara do danas. Na osnovu tih podataka napravljena bi kalkulacija koja bi također bila prezentirana na sastanku sa predstavnicima Skupštine KS i Vlade KS.

## Održana sjednica Upravnog odbora Grupacije poslodavaca iz oblasti finansija



Sjednica Upravnog odbora Grupacije poslodavaca iz oblasti finansija

Krajem mjeseca marta održana je sjednica Upravnog odbora Grupacije poslodavaca iz oblasti finansija. Na sjednici se razgovaralo o finaliziranju Kolektivnog ugovora za granu finansija, koji se treba potpisati početkom mjeseca aprila 2014. godine.

Na sjednici su prisustvovali Edhem Pašukan, Lutrija BH, Vencel Matijević, Uni-credit banka, Munir Čengić, Raiffeisen banka, Midhat Terzić, Sarajevo-osiguranje, Ostoja Todorović, Udruženje osiguravajućih društava FBiH i Mladen Pandurević, direktor UP FBiH.

Nakon konsultacija i finaliziranja Kolektivnog ugovora za granu finansija prijedlog Kolektivnog ugovora poslat je predstavnicima Sindikata.

# Održana Prezentacija IPA II 2014-2020 u Sarajevu

U kontekstu pripreme novog sedmogodišnjeg budžeta Evropske unije za period 2014 - 2020, a u okviru instrumenta vanjske pomoći, Evropska komisija planira određenu reviziju sadašnjeg instrumenta prepristupne pomoći IPA, odnosno novi instrument prepristupne pomoći IPA II za period 2014-2020 – Održana je prezentacija u organizaciji Delegacije Evropske Unije u BiH i Direkcije za Evropske Integracije BiH.

U okviru sadašnjeg instrumenta prepristupne pomoći IPA, koji se odnosi na aktuelni budžetski period Evropske unije (2007-2013), Bosna i Hercegovina, kao zemlja potencijalni kandidat za članstvo u EU, koristi sredstva u okviru prve dvije IPA komponente: Komponenta I (Podrška u tranziciji i izgradnji institucija) i Komponenta II (Prekogranična saradnja).

Ostale tri komponente instrumenta IPA (Regionalni razvoj, Razvoj ljudskih kapaciteta i Poljoprivredni i ruralni razvoj) su bile dostupne isključivo zemljama sa kandidatskim statusom te izgrađenim i od strane Evropske komisije akreditovanim sistemom za decentralizovano upravljanje pomoći (DIS).

Prijedlogom nove Uredbe o uspostavi instrumenta IPA II ukida se podjela na prijašnjih pet komponenti, a uvode se područja politika u okviru kojih će se

provoditi različite intervencije. Finansijska pomoć se biti dostupna u svim područjima politika, bez obzira na to da li zemlja ima status kandidata ili potencijalnog kandidata.

Područja politika prema novoj Uredbi podijeljena su na sljedeći način:

- Proces tranzicije prema članstvu i izgradnja kapaciteta (prijašnja IPA Komponenta I - Pomoć u tranziciji i izgradnji institucija)
- Regionalni razvoj (prijašnja IPA Komponenta III - Regionalni razvoj)
- Zapošljavanje, socijalne politike i razvoj ljudskih resursa (prijašnja IPA Komponenta IV - Razvoj ljudskih kapaciteta)
- Poljoprivreda i ruralni razvoj (prijašnja IPA Komponenta V - Poljoprivredni i ruralni razvoj)
- Regionalna i teritorijalna saradnja (prijašnja IPA Komponenta II - Prekogranična saradnja)

U novom prijedlogu za IPA II, posebno je naglašeno da će se napredak u postizanju pojedinih ciljeva procjenjivati kroz indikatore i, u ovisnosti od ostvarenog napretka, vršit će se realokacija finansijske podrške između programa kao i između zemalja korisnica.



# Početak projekta Preduzetničko učenje-Faza 2

U četvrtak 13.03.2014. je počeo projekat Preduzetničko učenje faza 2, čiji je glavni korisnik je Ministarstvo civilnih poslova BiH-sektor za edukaciju i Ministarstvo vanjske trgovine i ekonomskih odnosa na državnom nivou.

Dalji korisnici su Agencija za predškolsko, osnovno i srednje obrazovanje, Ministarstvo obrazovanja i kulture RS, Institut za obrazovanje odraslih RS, Federalno ministarstvo obrazovanja i Ured za edukaciju BD, Ministarstvo industrije, energije i rудarstva RS, Federalno ministarstvo razvoja, poduzetništvo i obrt, Agencija za razvoj malih i srednjih preduzeća Republike Srpske i ostale relevantne institucije.

Od projekta se očekuje pojačanje mogućnosti zapošljavanja na tržištu radne snage, redukovanjem praznine između sistema obrazovanja i tržišta rada. Osim toga to će pomoći u razvoju ljudskih resursa i institucionalnim kapacitetima preduzetničkog učenja, i na osnovu toga povećanja cjelokupne kompetencije.

Projekat će težiti upoznavanju preduzetničkih vještina kroz formani sistem obrazovanja u BiH i stvoriti u saradnji sa odgovornim tijelima za kvalifikacijski okvir u zemlji, sistem ocjenjivanja znanja i vještina koje se stiču informalnim i neformalnim obrazovanjem.

Nadalje, projekat će ojačati suradnju između obrazovnog sistema i poslovne zajednice u BiH, stvarajući, razvijajući i oživljavajući veze između škola i poslovnog sektora.



# Održan Prvi sastanak Radne grupe za izradu Strateških pravaca razvoja karijerne orientacije u F BiH

U Sarajevu je u **petak, 11.04.2014. godine**, održan **Prvi sastanak Radne grupe za izradu Strateških pravaca razvoja karijerne orientacije u F BiH**, koju je organiziralo Federalno ministarstvo obrazovanja i nauke u saradnji sa Federalnim zavodom za zapošljavanje.

U uvodnom dijelu sastanka, članovima Radne grupe su se obratili federalni ministar obrazovanja i nauke **Damir Mašić** i direktor Federalnog zavoda za zapošljavanje **Kenan Rešo**, koji su izrazili zadovoljstvo na iskazanoj spremnosti svih partnera u činjenju prvih zvaničnih koraka ka izradi ovog značajnog dokumenta koji će u narednom periodu pružiti smjenice za razvoj karijerne orientacije u Federaciji BiH.

Federalni ministar obrazovanja i

nauke **Damir Mašić** je istakao važnost intersektorskog, integrisanog djelovanja za kreiranje **Strateških pravaca razvoja karijerne orientacije u F BiH**, koje će omogućiti adekvatnu podršku svakom pojedincu u donošenju odluka koje se tiču izbora karijere i upravljanja njenim razvojem kroz povezan i djelotvoran sistem.

„Federalno ministarstvo obrazovanja i nauke je izradu ovog dokumenta uvrstilo u Program rada za 2014. godine s ciljem pokretanja kvalitetnog dijaloga relevantnih partnera koji će omogućiti adekvatno pozicioniranje i jačanje karijerne orientacije u F BiH kako u obrazovanju, tako i u sferi rada i zapošljavanja“, kazao je ministar Mašić.

Izradu Strateških pravaca razvoja karijerne orientacije u F BiH iniciralo je Federalno ministarstvo obrazovanja i nauke na osnovu dokumenata koji su izrađeni u proteklom periodu, a prvenstveno radi potrebe usmjeravanja, razvoja i upravljanja razvojem karijere u okviru formalnog obrazovanja, ali i naknadno, tokom cijelog radnog vijeka.

Cilj navedenog dokumenta je da se intersektorskim pristupom razvije oblast profesionalne orientacije u osnovnom i srednjem obrazovanju, umanji broj nezaposlenih odraslih osoba te podigne svijest o značaju ove djelatnosti kroz karijerno informisanje i savjetovanje na visokoškolskim ustanovama.



**Damir Mašić, Ministar obrazovanja i nauke FBiH**

Inače, Federalno ministarstvo obrazovanja i nauke već niz godina aktivno radi na analizi stanja i razmatranju mogućih rješenja za bolje usklađivanje obrazovanja sa zahtjevima tržišta rada. U 2009. godini izrađen je **Program mjera za ublažavanje posljedica globalne ekonomske krize i unapređenja poslovnog ambijenta u Federaciji BiH**, na osnovu kojeg je Ministarstvo sačinilo **Analizu stanja u oblasti srednjeg obrazovanja sa prijedlogom mjera za usklađivanje obrazovanja s potrebama privrede**, a po kojoj je 2010. godine urađen i **Operativni plan aktivnosti na provođenju mjera i preporuka** sadržanih u Analizi stanja, a kojeg je iste godine usvojila Vlada Federacije BiH.

Oba dokumenta, kao jednu od preporuka i mjera, ističu potrebu uspostavljanja obaveznih programa profesionalne orientacije/usmjeravanja u osnovnim i srednjim školama.

Prošle godine Ministarstvo je izradilo informaciju **Analiza upisne politike u srednjoškolskom obrazovanju u FBiH** s aspekta potreba tržišta rada, koji je usvojila Vlada Federacije BiH, a u kojoj je naglašeno da se profesionalna orientacija učenika treba početi primjenjivati, te biti standardizirana i usmjerena na prepoznavanje sposobnosti i afiniteta u skladu sa pokazateljima o potražnji na tržištu rada.



**Seid Fijuljanin, predstavnik Udruženja poslodavaca FBiH**

# Lakše do dozvola u BiH

Elektronski registar dozvola (E Registar) je centralizovana baza administrativnih postupaka iz nadležnosti organa uprave, objavljen na web stranicama organa uprava a namijenjen široj javnosti. Formiranje ove vrste servisa ima za cilj da građanima i privrednicima obezbijedi transparentan uvid u sprovođenje administrativnih postupaka, te brži i jednostavniji pristup informacijama o procedurama pribavljanja dozvola koje su u nadležnosti organa uprave.

## Pristupanje E Registrusu

Jednostavnim pristupom E Registrusu privrednici imaju kompletan uvid u sve elemente dozvola za koje su zainteresovani: potrebna dokumentacija i njihovi troškovi, informacije o nacinima i mjestu pribavljanja potrebnih dokumenata, te vrijeme u kojem administracija treba da riješi zahtjev. Na istom mjestu nalazi se i prateći obrazac koji stranka treba popuniti i uputiti zajedno sa pratećom dokumentacijom kao zahtjev za rješavanje predmeta. Uspostavom ovakvog servisa pravni subjekti i javnost transparentnije, lakše, brže i jeftinije dolaze do potrebnih dozvola, uvjerenja i licenci.

## Efikasna uprava - olakšanje privredi

Efi kasnost samog E Registra je u direktnoj vezi sa njegovim redovnim ažuriranjem. S ciljem jačanja efikasnosti administracije, unapređenja procesa i ekonomskog razvoja generalno, svaki E Registar treba sadržavati najnovije i najprecizinije podatke o dozvolama, licencama i uvjerenjima, uključujući i kontakt detalje nadležnih organa. Svaka institucija koja želi stvoriti bolje uslove za privlačenje investitora, te ubrzati ekonomski razvoj svoje sredine, potrebno je da u svom E Registru ima najnovije podatke o dozvolama, kako ne bi dolazilo do grešaka i usporavanja u procesu na bilo kojem administrativnom postupku, te kontakte osoba zaduženih za pojedine poslove. Dosadašnja praksa pokazuje da su E Registri dozvola izuzetno dobro posjeceni, da je veliki interes za dozvole i da je, u cilju ubrzanja procesa, redovno ažuriranje od izuzetno velikog značaja.

## Brže, lakše i jeftinije

Prikupljanje potrebne dokumentacije, prvi je korak u procesu dobijanja bilo koje dozvole ili pokretanja poslovanja. Prije uspostave E Registara bili su potrebni dani i sedmice da se prikupe sve neophodne informacije, obrasci i dokumenti. Sve navedeno sada je dostupno na jednom mjestu gdje vas od ideje do realizacije dijeli samo jedan odlazak na internet portal organa uprave da se upoznate šta vam treba da biste dobili potrebnu dozvolu. Olakšavajuca okolnost je i cinjenica da veliki broj dokumenata, općine/ opštine/gradovi trebaju pribavljati po službeno-odgovornoći cime se vrijeme dodatno ubrzava a registracija pojeftinjuje.



# U Zenici održana tradicionalna Čimburijada: I ove godine čimbur od 1.500 jaja

Zenička Čimburijada i ove godine održana na obalama rijeke Bosne na Kamberovića polju, a veliki broj Zeničana učestvovalo u obilježavanju ove dugogodišnje tradicije.

Kao i svake godine, zenički ugostitelj Rasim Salčinović svojim će sugrađanima podijeliti čimbur za čiju je pripremu utrošeno 1.500 jaja. "Tradicija pravljenja čimbura traje i više od nekoliko stotina godina, a u proljeće jaja su bila prva radost. Ja sam odlučio da tu tradiciju i nastavim."

Najvažnije nam je da čimbur ne zagori i da ga podijelimo sugrađanima. Ove godine obilježavamo 50 godina pravljenja zeničkog čimbura sa više od 1.000 jaja i to ćemo raditi dok nas zdravlje služi", kazao je Salčinović.

Predsjednik Forum građana Zenice, tehničkog organizatora Čimburijade, Tvrto Mešanović, je kazao kako je cilj da sadržaj Čimburijade svake godine bude što bolji. "Svake godine želimo oplemeniti sadržaj Čimburijade pa će tako u sklopu manifestacije biti održana sportska takmičenja, a imamo i dječiji program gdje smo raspisali konkurs o temo 'Stiže proljeće u moj grad'.

Ove godine će se likovni radovi prodavati po simboličnoj cijeni, a sredstva će biti donirana u humanitarne svrhe", izjavio je Mešanović. Zeničanin Nail Fazlihodžić 40. godinu sa svojim prijateljima, na obali rijeke Bosne, uživa u prvim danima proljeća i tradicionalno ispeče čimbur.

"To je zenička manifestacija i ima svoj značaj za svakog Zeničanina. Za mene je Čimburijada veličanstven događaj i svake godine se uglavnom okupi ista ekipa. Generacije se mijenjaju, ali eto, već 40 godina napravimo čimbur i malo odmorimo od svakodnevnice", izjavio je Nail.



**HAPPY EASTER!  
SREĆAN USKRS!  
ČPETAH BACKPC!**




**Udruženje poslodavaca FBiH**



**Happy Passover!  
Sretan Pesah!**


**Udruženje poslodavaca FBiH**



Federacija BiH je u novembru / studenom 2013. ostvarila izvoz u ukupnoj vrijednosti 454.154 hilj./tis. KM, što je za 8.438 hilj./tis. KM ili 1,8% manje u odnosu na oktobar / listopad 2013., odnosno za 4.741 hilj./tis. KM ili 1,0% manje u odnosu na novembar / studeni prethodne godine.

U istom mjesecu ostvaren je uvoz u vrijednosti 812.002 hilj./tis. KM, što je za 71.561 hilj./tis. KM ili 8,1% manje u odnosu na na oktobar / listopad 2013., odnosno za 4.196 hilj./tis. KM ili 0,5% manje u odnosu na novembar / studeni prethodne godine.

U periodu januar – novembar 2013. izvoz je prosjeno svakog mjeseca rastao za 0,8% a uvoz je prosjeno rastao za 1,7%. Ueš Federacije BiH u ukupnom izvozu Bosne i Hercegovine za novembar / studeni 2013. je 64,5%, a u ukupnom uvozu 62,1%. U istom mjesecu procenat pokrivenosti uvoza izvozom u Federaciji BiH je 55,9% i vei je za 3,5% u odnosu na oktobar / listopad 2013. kada je pokrivenost iznosila 52,4%. Trgovinski deficit Federacije BiH za novembar / studeni 2013. iznosi 357.847 hilj./tis. KM. U novembru / studenom 2013. najviše se izvozilo u: Njemačku 94.514 hilj./tis. KM ili 20,8% ukupnog izvoza; Hrvatsku 54.195 hilj./tis. KM ili 11,9% i Italiju 49.235 hilj./tis. KM ili 10,8% ukupnog izvoza.




U novembru/studenom 2013. godine ukupan indeks cijena proizvođača industrijskih proizvoda viši je za 1,0% u odnosu na prethodni mjesec. Posmatrano prema glavnim industrijskim grupacijama ukupan indeks cijena energije viši je za 4,9%, a trajnih proizvoda za široku potrošnju za 0,2%. Pad indeksa cijena je registrovan/registriran u grupaciji intermedijarnih proizvoda osim energije za 0,7%, kapitalnih proizvoda za 0,5% i netrajnih proizvoda za široku potrošnju za 0,4%. Posmatrano prema područjima KD-a, indeks cijena je viši za 9,5% u području Proizvodnje i snabdijevanja/opskrbe električnom energijom, gasom/plinom, parom i klimatizaciji, a u području Vađenja ruda i kamena i području Snabdijevanja vodom; uklanjanja otpadnih voda, upravljanja otpadom te djelatnosti sanacije okoliša za 0,3%. U području Prerađivačke industrije indeks cijena je niži za 0,6%. Posmatrano po oblastima, najveći rast indeksa cijena je registrovan/registriran kod Proizvodnje i snabdijevanja/opskrbe električnom energijom, gasom/plinom, parom i klimatizaciji za 9,5%.




U mjesecu oktobru/listopadu 2013. godine ukupan broj zaposlenih u Federaciji BiH iznosio je 435.813, što predstavlja smanjenje broja zaposlenih za 0,1% u odnosu na septembar/rujan 2013. godine. U odnosu na godišnji prosjek broja zaposlenih u 2012. godini došlo je do smanjenja broja zaposlenih za 0,3%.


Prosječna mjeseca isplaćena neto-plaća po zaposlenom za oktobar/listopad 2013. godine, u Federaciji BiH, iznosi 845 KM, i nominalno je viša za 1,6%, a realno niža za 0,5% u odnosu na prethodni mjesec. U odnosu na isti mjesec prethodne godine prosječna mjeseca isplaćena neto-plaća po zaposlenom za oktobar/listopad 2013. godine nominalno je viša za 0,9%, a realno za 2,8%.



Podaci su preuzeti sa stranice; [Federalnog zavoda za statistiku](#)



#### INDEKS CIJENA PROIZVOĐAČA INDUSTRIJSKIH PROIZVODA



#### ANKETA O RADNOJ SNAZI



#### INVESTICIJE, PRESJEK 2011-2012

Indeksi cijena proizvođača industrijskih proizvoda u Federaciji BiH od 2011. godine su izračunati u skladu sa Klasifikacijom djelatnosti BiH 2010 (Službeni glasnik BiH br. 47/10) i Nomenklaturom industrijskih proizvoda Bosne i Hercegovine 2010 (Službeni glasnik BiH br. 12/11 i 41/11).

U saopćenjima i publikacijama u 2012. godini, koje se odnose na indekse cijena proizvođača industrijskih proizvoda, publikovani su samo indeksi za domaće tržište, a od januara 2013. godine se redovno mjesечно objavljaju: ukupan indeks cijena proizvođača industrijskih proizvoda, indeks za domaće tržište i indeks za inostrano/ inozemno tržište.

Posmatrano po oblastima, najveći rast indeksa cijena je registrovan/registriran kod Proizvodnje i snabdijevanja/opskrbe električnom energijom, gasom/plinom, parom i klimatizaciji za 9,5%. Najveći pad indeksa cijena je registrovan/registriran u oblasti Proizvodnje tekstila za 9,2%

Ukupan indeks cijena proizvođača industrijskih proizvoda u novembru/studenom 2013. godine u odnosu na isti mjesec prethodne godine niži je za 2,4%, a u odnosu na decembar/ prosinac 2012. godine niži je za 1,8%.

U 2013. godini stopa zaposlenosti je 30,3% (39,7% za muškarce i 21,3% za žene), što je više za 0,3 procenatnih poena u odnosu na 2012. godinu kada je iznosila 30,0% (40,4% za muškarce i 20,3% za žene). Stopa zaposlenosti je najviša u starosnoj skupini 25 do 49 godina i iznosi 50,8%. Posmatrano prema djelatnostima najveći broj osoba zaposlen je u uslužnim djelatnostima, 54,5% od ukupnog broja zaposlenih.

Stopa anketne nezaposlenosti zabilježila je pad za 1,8 procenatnih poena u odnosu na 2012. godinu. Stopa nezaposlenosti za muškarce opala je za 0,6 procenatnih poena, a za žene za 3,8 procenatnih poena. Kao i do sada stopa nezaposlenosti najviša je među mlađim osobama starosti 15 do 24 godine i iznosi 58,9% (58,8% za muškarce i 59,1% za žene).

Stopa aktivnosti u 2013. godini je 41,8% (54,4% za muškarce i 29,8% za žene) što je niže za 0,6 procenatnih poena u odnosu na prošlu godinu kada je bila 42,4% (55,9% za muškarce i 29,9% za žene). Stopa aktivnosti je najviša u starosnoj skupini 25 do 49 godina i iznosi 68,4%.

Federalni zavod za statistiku u ovom saopćenju objavljuje konačne podatke o investicijama za 2012. godinu.

Podaci su prikupljeni putem sljedećih istraživanja: - Godišnji izvještaj o investicijama u stalna sredstva (obrazac INV-01) za sve pravne osobe; - za oblast poljoprivrede individualnog sektora (poljoprivredna gazdinstva) podaci su prikupljeni putem općina, a bazirani/temeljeni su na procjenama općinskih komisija.

Nisu obuhvaćena investiciona ulaganja samostalnih poduzetnika i domaćinstava.

Podaci o investicijama prikazuju ukupne isplate za investicije po osnovnim oblicima finansiranja/financiranja, ostvarene investicije (nova i polovna/rabljena stalna sredstva) po tehničkoj strukturi i ostvarene investicije u nova stalna sredstva (nova i polovna/rabljena uvozna stalna sredstva) po tehničkoj strukturi.

Svi podaci su iskazani po područjima Klasifikacije djelatnosti BiH 2010, koja je usklađena sa evropskom klasifikacijom NACE Rev. 2, a pravne osobe su grupisane prema sjedištu i pretežnoj djelatnosti investitora (organizacioni princip).



---

Mula Mustafe Bašeskiye 12/3, 71 000 Sarajevo  
Tel; +387 33 264 830  
Fax; +387 33 264 831  
E-mail; [info@upfbih.ba](mailto:info@upfbih.ba)  
Web; [www.upfbih.ba](http://www.upfbih.ba)  
<https://twitter.com/Poslodavci>